

四庫全書

集部

# 欽定四庫全書

集部

劔南詩橐卷七十八

詳校官庶吉士臣陳若霖

主事臣呂雲棟覆勘

總校官檢討臣何思鈞

校對官修撰臣戴衢亨

謄錄監生臣楊浚明

欽定四庫全書

劔南詩藁卷七十八

宋 陸游 撰

感舊

莫笑山翁老欲僵  
壯年曾及事高皇  
雕戈北出戍窮塞  
華表東歸悲故鄉  
萬事固難輕付度  
百年猶有未更嘗  
紛紛謗譽何勞問  
但覺邯鄲一夢長

齊民要術曰智如禹湯不如更嘗

東園

卷七十八  
車馬無聲客到稀  
荷鋤終日在園扉  
斷殘地脉疏泉過  
穿透天心得句歸  
對鏡每悲鸞獨舞  
繞枝誰見鵲南飛  
悠然自適君無怪  
文史如山暫解圍

秋夜

局促人間每鮮歡  
秋來病骨愈酸寒  
夾衣尚典雁聲過  
斷簡未收難唱殘  
退士鬢毛紛似雪  
老臣心事炳如丹  
燈前握臂無交舊  
聊喚清尊少自寬

驛壁偶題

纍纍驛門堆杳杳寺樓鐘葉落樹陰薄雲生山崦重交  
親窮未棄父子老相從惟待新粳熟高眠聽夜春

又

去去投山驛悠悠解橐裝斜陽穿破甌落葉滿空廊舞  
簡村巫醉塗朱野女粧近行吾亦倦假寢據胡床

又

過市未十里入山知幾重幽林聞格磔淺瀨見噉喙小  
瓮家家酒衡門世世農班生定癡絕辛苦覓封侯

夜起思子虞

我久依畊壠兒方吊戰場  
卧聞風浩蕩起視月蒼茫  
老境綈袍暝貧家菜粥香  
惟愁殺風景無酒作重陽

秋日次前輩新年韻

孤生雖永棄要亦是黎元  
渺渺煙中路冥冥海上村  
小灘看鷺立平野送鴉翻  
即欲掩關卧南山猶未昏

又

舊交多雋傑離散各何之  
騏驥志千里鷓鴣巢一枝  
青

雲迷故步白首負明時幸有殘書卷猶堪付小兒

又

老人常獨處一笑比河清終日無來客三年不入城高  
眠聽酒滴危坐對雲生矯首羲皇世吾其享大羹

又

浮家久居蜀下峽晚還東天際孤帆遠花前百榼空旅  
遊渾似夢年運遂成翁欲話我眉月無人可與同

又

殘年垂九十雪鬢不勝繁  
賣屨糴炊米典衣租廢園  
山深雲滿屋夜靜月當門  
鄰曲時相過扶行賴稚孫

仲秋書事

秋風社散日平西  
餘昨殘壺手自提  
賜食敢思烹細項

家庖仍禁擘團臍

昔為儀曹郎兼領膳部每蒙賜食與王公畧等食品中有羊細項甚珍予

近以惡穀不食蟹

又

天心那得與人同  
社社家家禱歲豐  
料理蝗餘猶十五



殘年亦未委溝中

又

斷雲歸岫雨初收  
茅舍蕭條古渡頭  
短褐老人垂九十  
松枯石瘦不禁秋

又

客來深媿里閭情  
近為衰殘罷送迎  
旅置風爐煎顧渚  
劇談猶得慰平生

又

舉家食粥顏平原坐客無羶鄭廣文不是有心輕富貴  
偶然看破是浮雲

又

書生習氣盡驅除酒興詩情亦已無底怪今朝親筆硯  
村鄉來請辟蝗符

又

靈府不搖神泰定病根已去脉和平金丹妙處無多子  
只要先生兩眼明

又

省身要似晨通髮止殺先從暮拍蚊老負明時無補報  
惟將忠敬事心君

又

杖得輕堅餘可畧酒能醇勁更何求二君最是平生舊  
白首相從萬事休

又

心明始信元無佛氣住何曾別有仙領取三山安樂法

蒲團紙帳過年年

步屨

名山有志未能酬  
步屨東岡當出遊  
小閣捲簾鷺鷥起  
清池投餌看魚浮  
西風吹葉空多感  
落日銜山尚小留  
兒老戍邊歸未得  
淮南新雁又經秋

後死

後死非初望餘生  
只自悲舊交孤劍  
在壯志短檠知行  
步雖依杖光陰未  
付棊為農自當力  
不為學幽詩

思剡

羸疾無休日清秋適此時  
節存旄盡落帶賸眼頻移  
吾興復不淺俗人那得知  
會當遊剡去支許有深期

故里

漏盡鐘鳴有夜行  
幾人故里得歸耕  
摧傷自喜消前業  
疾恙天教學養生  
鄰曲新傳秧馬式  
房櫳靜聽緯車聲  
芋魁菰首君無笑  
老子看來是大烹

野意

久忝明恩返故鄉  
全家衣食出畊桑  
詩纔適意寧求好  
醉即成眠不暇狂  
小雨荷鋤分藥品  
乍涼扶杖看優場  
此身已作農夫死  
却媿時賢獨未忘

意行至神祠酒坊而歸

雨收霽色滿川原  
獨曳枯藤出里門  
陌上微風搖稗穗  
溝中殘水出籬根  
繫牲廟柱悲刀几  
醜酒村場滿盎盆  
興盡還家殊不遠  
漁燈續火鬧黃昏

訪村老

强健如翁舉世稀夜深容我叩門扉  
大兒叱犢戴星出稚子捕魚藥月歸  
骨肉團樂無遠別比鄰假貸不相違  
人間可羨惟農畝又見秋燈照搗衣

戲題僧巷

致虛守靜氣常全家付兒孫  
命委天夢事只堪高卧看  
危途誰校疾行先獨轅  
短棹聊藥興野草幽花自鬪妍  
數字漫留僧壁去與身閒作後身緣

書意

秋江菰菜喜新嘗  
鹽酪親調匕箸香  
但有長腰吳下米  
豈須細肋大官羊  
青衫昔悔塵中老  
白髮今宜靜處藏  
一事尚須深自咎  
街頭兒女識韓康

又

物我年來已兩忘  
蕭然湖曲一茆堂  
身閒自與俗子遠  
睡美不知秋夜長  
餘祿正應藿瓮在  
宿醒時卧酒壚傍  
老人肘後長生藥  
檢盡千金無此方

南塘晚步記鄰里語



喚舟欲泛湖出門日已暮顧景遂輟行老病畏風露不  
如上南塘蕭然散予步季子挾書卷仲孫奉杖屨夏秋  
多杜門一出驚行路鄰里相與言穡事凜可懼羣蝗飛  
蔽日殘齧到竹樹惟茲數里間若有神物獲天菑幸獨  
薄豈以此老故老人亦自笑病骨日欲仆鬼神彼何為  
與世殊好惡相期勤自修此幸豈可屢

稽山道中

文章事業初何有鐘鼎山林本自同昨暮釣魚天鏡北

今朝采藥石帆東

又

禹陵草木初霑露  
謝墅人家已閉門  
八十年間幾來往  
癡頑不料至今存

讀近人詩

琢琬自是文章病  
竒險尤傷氣骨多  
君看大羹玄酒味  
蟹螯蛤柱豈同科

琴劒

流塵冉冉琴誰鼓  
漬血斑斑劒不磨  
俱是人間感懷事  
豈無壯士為悲歌

戲題

莫輕九骨未飛騰  
要勝人間粥飯僧  
山路近行猶百里  
酒盃一舉必三升

溪上小雨

我是人間自在人  
江湖處處可垂綸  
埽空紫陌紅塵夢  
收得烟蓑雨笠身

晚聞庭樹鴉鳴有感

烏鵲棲我庭將旦輒散去此豈厭所棲亦以飲啄故一  
飢能驅人擾擾無晨暮不然亦已矣豈樂塵土汙我有  
笻三間自少鮮外慕力畊自足食雞豚亦可具晚雖誤  
收召疾走如脫兔六年楓林下不知歲月度殘骸幸強  
健沽酒徧山步

鄉語謂湖山間  
小聚為山步

醉歸每自笑不負此芒

屨平生愛方外雖老冀有遇秋風送片帆更上剡溪路

秋夜坐中

木落煙深江上村，莫秋蕭瑟不堪論。  
雁如著意頻驚枕，月似知愁故入門。  
營道數峰新石友，近得道石數峰廣陵一曲古桐孫。  
亦知長物終安取，聊與兒曹洗睡昏。

又

殘年冉冉返邱園，敗屋蕭蕭長子孫。  
久悔大辭妨大學，偶因憂患得玄門。  
扶持後死知天幸，容養無能荷國恩。  
急雨打窗秋又晚，旋挑野菜助盤飧。

識媿

路逢野老共語  
歸舍賦此詩

幾年羸疾卧家山，牧豎樵夫日往還。至論本求編簡上，  
忠言乃在里閭間。私憂驕虜心常折，念報明時涕每潛。  
二句實書其語寸祿不沾能及此，細聽只益厚吾顏。

秋雨

暮秋木葉已微丹，小雨蕭蕭又作寒。目送斷雲歸谷口，  
身隨新雁寄江干。濁醪易負尋常債，退士難叨本分官。  
謝盡浮名更無事，燈前兒女話團圞。

秋來益覺頑健時，一出遊意中甚適。雜賦五字。

旬日兩頻作一年秋又殘光陰不少貸懷抱若為寬小  
瓮聊尋醉疎砧已戒寒定知清夜夢又過石闌干

判溪道中

佳處

又

何許是吾廬南臨古鏡湖園林垂橘柚門巷落楸梧牀  
穩龜無息巢新鶴有雛鄰翁殊耐久有酒即相呼

又

原隲無閒土鄉閭有老人疾平行已健秋晚醉差頻啄

黍黃雞嫩迎霜紫蟹新百年元任運一笑却關身

又

藿食筋骸憊林廬歲月侵道窮思故友力盡悔初心浩  
浩天知我悠悠後視今飄零君勿嘆古瑟有遺音

又

輕裝雨衣笈假寢一胡床喚渡江樓下逢僧縣驛傍橫  
林生夕靄孤蝶弄秋光老慣人間事無詩寄斷腸

又



渡水得魚舍乞漿敲竹扉地偏花帶恨林暝鳥忘歸獨  
往非違世幽居自息機晚來清興極更喜雨霏霏

又

窮阮非由命從來作計疎妄營資鬼笑多愛奪狐書何  
事能陶寫惟當盡破除霜晴宜著屐不敢笑無驢

又

寓世年雖往安心疾已平每思丹竈冷宜覺世緣輕布  
被雞催曉蓬窓鵲噪晴呼兒淨洗硯書帖寄青城

又

萬古無窮夢餘年欲散雲身雖迫衰謝學未廢鉏耰開  
卷多新得逢人有舊聞伏生雖九十猶冀與斯文

又

斯世本無事古人誰與歸屏除閒麈尾收拾舊蓑衣浩  
浩觀空劫拳拳訟昨非雲開天萬里遼鶴正孤飛

遊近山僧菴

卧看香穗嘆吾衰起著芒屨信所之十里溪山最佳處

一年寒煖適中時眼明竹院如曾到心許沙鷗卜後期  
不是詩人託高興日長真付一枰棊

喜晴

三日雨不止意謂無復晴泥深不可出卧聽空堦聲事  
有未易料南風起三更陣陣浮雲歸杲杲初日明穡事  
既竭作機杼比屋鳴天公真老手談笑功皆成家家有  
新釀歡言相送迎蝗孽幸埽空努力謀春畊

阿通自閩中歸甫九歲頗有老成之風作此詩示

之

通子還家已九齡從師衿佩兩青青長成勉作功名計  
勿學衰翁老一經

農家

大布縫袍穗乾薪起火紅薄才施畎畝朴學教兒童羊  
要高為棧雞當細織籠農家自堪樂不是傲王公

又

盜息無排甲兵消不取丁頻過關雞舍閒學相牛經江

浦漁歌遠人家績火青遨遊無定處隨意宿丘亭

又

東舍女桑龍西家婦夢熊翁誇酒重碧孫愛果初紅栗  
烈三冬近團樂一笑同營生無繆巧百事仰天公

又

租犢畊蕎地呼舩取荻薪蒼頭供井臼赤脚解縫紉僧  
乞銘師塲巫邀賽土神心常厭多事謝病又經旬

又

新作地爐成蓬窓亦自明  
油香麴餌脆人靜布機鳴  
縣吏催科簡豪家督債輕  
小康何敢望生計且支撐

又

諸孫晚下學髻脫繞園行  
互笑藏鉤拙爭言鬪草贏  
嚴責程課翁愛哺飴錫富  
貴寧期汝它年且力畊

讀老子有感

左史倚相讀皇墳學者尚  
得窺全渾孰為武成二三  
策寧取道德五千言巢居  
結繩事益遠澆淳散朴忍  
復論

安得深山老不死坐待古俗還羲軒

鄰人送菰菜

張蒼飲乳元難學綺季餐芝未免飢  
稻飯似珠菰似玉老農此味有誰知

書喜

莫謂家貧厭舊醅一尊聊對桂花開  
天菑已過無蝗孽海舶初通有藥材  
剗借涼風吹醉頰况逢急雨洗浮埃  
入秋腰脚增強健山麓從今日日來

秋日徙倚門外久之

舍前煙水似瀟湘  
白首歸來受故鄉  
五畝山園鬱桑柘  
數椽茅屋映菰蔣  
翻翻小繖船歸郭  
渺渺長歌月滿塘  
却掩柴荆了無事  
篆盤重點已殘香

雙蝶

庭草何離離  
清晨露猶溼  
草頭兩黃蝶  
為我小佇立  
秋光亦已晚  
行見霜霰集  
方春不盡狂  
汝悔尚何及  
吾生更堪笑  
去日如電急  
功名竟何在  
惆悵劒峯澀



法雲孚上座求詩

老人癡鈍避嫌猜終日柴門閉不開堪笑山僧能好事

乞碑纔去覓詩來

近有淨慈僧訥來求銘其師塢亦寓法雲幾年

詹仲信出示卜居詩佳甚作二絕句謝之

十里相望亦未遥何由頻得慰無聊老來萬事慵開眼  
獨喜詩盟不寂寥

又

年來阻濶動經時忽見新篇乃爾奇安得齊紈翦團扇

為君小草卜居詩

夜雨

夜雨有殘滴秋砧無絕聲得詩旋已忘覓睡固難成壯  
志悲垂老歸畊願太平發春纔屬爾歲事又崢嶸

晚秋出門戲詠

病叟徜徉古澤邊橫林搖落暮秋天鳴鳩雨後却呼婦  
飛雀霜前先著緜抱被每投僧榻宿卷書時當酒家錢  
秋風想像芝房熟北望商山一悵然

又

閒愁那得野人邊萬事元知合付天  
盡醉僅能三盃酒  
新寒未辦一鉢糲鄰僧每欲分齋鉢  
廟史猶來索社錢  
無地置錫真細事不妨胸次日超然

消搖

莫笑茆檐陋消搖遂野情  
遇魔增道力因病悟浮生  
謀食憑長鑱論交得短檠  
不知從此去幾見雁南征

堅頑

小市朝行藥明燈夜讀書雖殊帶箭鶴要是脫鉤魚有  
飯已多矣無衣亦晏如堅頑君勿怪豈失遂吾初

遣懷

息倦登畊隴棄閒弄釣舟安能書咄咄且復送悠悠窮  
巷誰來往村醪自獻酬何妨晏平仲歲晚一狐裘

又

窮每占周易閑惟讀楚騷病隨災漸退嬾與拙相遭投  
枕燈初上披衣日已高  
清愁亦可剪無處買并刀

又

有志師千載無方起九原  
山園菜常瘦村店酒多渾  
衰疾形詩句窮愁入夢魂  
傍觀任嘲笑吾道始應尊

又

雲族初疑雨風生忽快晴  
半窓松竹影繞舍鳥烏聲  
看劍心猶壯開書眼漸明  
餘年真已矣不復問君平

初寒

日月誰能駐風霜忽已高  
公孫分布被范叔共綈袍  
襍

經炊香甌蒲萄壓小槽所慙才已盡孤詠不能豪

開行至西山民家

秋林半丹葉秋草多碧花隔山五六里臨水兩三家曾  
魚與伐荻各自有生涯平池散雁驚繞舍栽桑麻客至  
但舉手土釜煎秋茶城中不如汝切莫暮浮夸

夜與子適說蜀道因作長句示之

憶自梁州入劔門關山無處不消魂亞松託宿逢秋雨  
小柏經行聽曉猿

亞松在成都小柏在山泉閣道

當日只知悲客路歸

來終亦老江村吾兒生晚那知此聊對青燈與細論

村舍

無懷葛天古遺民種畬歸來東澗新亭長聞名不識面  
豈知明府是何人

又

雞鳴犬吠相聞地穴處巢居上古風飽飯不為明日慮  
酣歌便過百年中

又

露草乾時兒牧羊朝日出時女采桑一床絮被千萬足  
不解城中有許忙

又

山高正對燒畬火溪近時聞戽水聲破屋已斜猶可住  
老牛雖瘠尚能畊

又

莫笑山家拙治生正緣亦足得身輕滿爐葑火渾家暝  
一盤松肪徹夜明



又

故絮五更偏覺冷薄糜未午已先飢誰知人不堪憂處  
正是降魔奏凱時

又

氣全自可忘憂患心動安能敵死生若論老人真受用  
已多稗飯與藜羹

登山西望有懷季長

行年垂九十舉世少輩行敢言貧非病要是老益壯平

時嬾書疏有畲未始倡張卿獨所敬夙昔推直諒迹雖  
隔吳蜀相憶每慘愴使者交道中萬里問亡恙忽焉奉  
赴告斯文豈將喪腰經不撫棺執紼不會葬送子岷山  
下想見車百兩我徒哭寢門淚盡氣塞吭年雖不耄期  
仕誰不將相神明司禍福于職豈亦曠霜風九月初憑  
高極西望江原在何許安得鏟疊嶂

山行

五尺枕榔杖二寸拊欄冠往來山谷中髮白面渥丹初

非乳石力所得懷抱寬入寺不尋僧自愛松風寒松風  
晚少靜我意殊未闌却尋歸村路白石明青灘

二樂

遊山恨不遠讀書恨不博天下多名山何處無芒屨束  
書飽蠹魚於汝寧不忤日月如過燒老病將何若眼猶  
急開卷足尚供尋壑少勞君勿辭是中有真樂

村女

白襦女兒繫青裙東家西家世通婚采桑餉飯無百步

至老何曾識別村

示子適

我初學詩日但欲工藻繪中年始少悟漸若窺宏大怪  
奇亦間出如石漱湍瀨數仞李杜牆常恨欠領會元白  
纔倚門溫李真自鄙正令筆扛鼎亦未造三昧詩為六  
藝一豈用資狡獪

晉人謂戲為狡獪今閩語尚爾

汝果欲學詩工夫在

詩外

聞新雁有感

才本無多老更疎功名已負此心初  
鏡湖夜半聞新雁  
自起吹燈讀漢書

又

新雁南來片影孤  
冷雲深處宿菰蘆  
不知湘水巴陵路  
曾記漁陽上谷無

山村獨酌

腰劍如今不換牛  
固應萬事一時休  
孤舟慣作瀟湘夢  
駿馬寧思鄠杜遊  
毀譽要須千載定  
功名已向隔生求

石帆山下秋風晚買酒看雲自獻酬

小園獨酌

橫林搖落弄微丹深院蕭條作小寒  
秋氣已高殊可喜老懷多感自無歡  
鹿初離母斑猶淺橘乍經霜味尚酸  
小酌一卮幽興足豈須落佩與頽冠

劔南詩藁卷七十八

欽定四庫全書

劔南詩藁卷七十九

宋 陸游 撰

秋思

湖邊一夜霜庭樹無秋聲嬾不近筆硯何以紓幽情但  
有一睡耳展轉無由成起擁地爐暝坐待天窓明

又

弊衣但故絮糲食惟黃蘗餘年如登山步步勤攀躋從

子念寂寞千里致鹿麕秋風石帆下伴我扶青藜

又

稽山九十翁病起無氣力擁杖牧雞豚乃是老人職一  
盃芋糲羹孫子喚翁食既飽負朝陽自愧爾何德

又

今日鵲噪簷邢趙

窮父  
去華

別我西老懷易感慨近別亦慘

悽自我卧孤村海內無輪蹄垂虹秋愈佳不得同裝齋

覽鏡



鏡中老翁誰非復少年我誦書如布穀拈出無一可又  
非富貴逼棄去自不果無功博一飽有臯當萬坐老境  
最堪笑作計日益左正似鳩拙巢不及蠶自裹霜寒衣  
未贖瑟縮附殘火作詩數十年所得良瑣瑣弱松困蔓  
纏何日見磊砢洞庭可遠遊秋風思捩拖

雨晴

小雨初增氣慘悽新晴差解病沉迷虛廊靜院聽松籟  
細草甘泉養鹿麋寒靄細分山遠近野歌相應路高低

孰知倦客蕭然意  
水品茶經手自攜

秋盡自遣

息駕江湖上  
推移歲又殘  
雨添苔暈紫  
霜染柏林丹  
貧歎畊疇薄  
狂依禁網寬  
遊山攜一鉢  
到寺即開單

又

老健非頤攝  
羈窮為折除  
人情看已慣  
身在不論餘  
席下錢雖盡  
餅中粟有儲  
行歌混樵牧  
吾計未全疎

晝卧

我意殊昏然一日三就枕目前幸未病病勢亦凜凜偶  
拈一卷讀美若鳩食甚雖云嗜好篤自計亦已審聖門  
未能窺詎敢希在寢所求養根原常恐躡堦品死期誠  
已迫尚可支數稔蓀蓁不廢功吾其享高廩

獨坐

博山香霧散緋緋袖手何妨靜掩扉六十年前故人盡

紹興中往還朋舊  
今乃無一人在

八千里外寄書稀

自張季長下世  
蜀中書問幾絕昨

朝送客桐江去今日逢僧剡縣歸欲作小詩還復嬾海

鷗與我兩忘機

書感

衰顏非復昔年朱，幾過黃公舊酒壚。  
成敗只堪三太息，是非終付一胡盧。  
連天煙草迷歸夢，動地風波歷畏途。  
辛苦一生成底事，躬畊猶得補東隅。

舟中夜賦

問天乞得不資身，常作東阡北陌人。  
買酒不澆胷磳硯，憂時空覺膽輪囷。  
寓居尚復能栽竹，羈宦懸知正憶尊。

那似石帆山下客釣船載月泊煙津

舍傍晚步

蒲團初起定藤杖偶閒行鳥語如相命魚浮忽自驚麥  
苗經雨綠楓葉得霜頽野老淳風在悠然不送迎

又

養疾便居僻尋幽喜雨晴偶因將鹿出遂作放魚行木  
落璫初見潦收灘自生霜清念遊行漸擬問山程

自詠

紛紛世態但堪悲一念蕭然我亦奇  
醉裏猖狂醒自笑夢中虛幻覺方知  
江湖重複風波惡齒髮凋零歲月馳  
安得中原路如砥渭川釣伴待多時

又

茅舍蕭條似寶坊老人終日對爐香  
學荒自笑身空在祿盡誰知壽更長  
陂水蘸隄常濫濫麥苗覆塊已蒼蒼  
經行更有欣然處四野鉏耰滿夕陽

初冬

初冬常憶宴梁州  
百炬如椽滿畫樓  
三十七年猶未死  
茅簷霜冷一燈幽

霜晴

萬瓦新霜白  
一窓朝日晴  
破裘身亦暝  
細字眼猶明  
喜譚諄語哀  
常蹉跎行登  
封書不草力  
穡報時平

初寒

新雁來時歲又殘  
丹楓數樹照江干  
前山雲起忽成暝  
陋屋雨來初變寒  
身退已收清禁夢  
里居終出上恩寬

作詩老恨無奇思時取囊中斷豪看

題傳神

溼雲生兩屨細雨暗孤蓬悔不桐江上從初作釣翁

書感

伐性戕生豈一端暮年贏得是衰殘齒牙零落畏大齧  
毛髮蕭疎便小冠惜日每驚新厯換怯寒尚覺弊廬寬  
華山阻絕岷山遠安得冥鴻借羽翰

宋都曹屢寄詩且督和奮作此示之



古詩三千篇刪取財十一每讀先再拜若聽清廟瑟詩  
降為楚騷猶足中六律天未喪斯文杜老乃獨出陵遲  
至元白固已可憤疾及觀晚唐作令人欲焚筆此風近  
復熾隙穴始難窒淫哇解移人往往喪妙質苦言告學  
者切勿為所怵杭川必至海為道當擇術

獨飲

肅肅霜風勁蕭蕭木葉聲殘年如寄爾冷坐太憎生就  
市沽新釀呼兒洗破觥獨斟還獨醉無月配長庚

簡湖中隱者

十里隔天鏡一菴依翠屏甘泉勝牛乳靈藥似人形處  
處筇枝健年年鬢色青客星猶不作肯應少微星

初冬雜詠

重陽已過二十日殘菊纔存三四枝對酒插花君勿笑  
從來不解入時宜

又

古壽書來言得壻東陽人到報生孫一家三處俱強健

且撥閒愁近酒尊

又

兒時愛書百事廢飯冷戴乾呼不來一生被誤終未醒  
老作蠹魚吁可哀

又

微風颭水靴文浪薄日烘雲卵色天但恨世間閒客少  
江湖底處欠漁船

又

書生本欲輩莘渭蹭蹬乃去為詩人囊中略有七千首  
不負百年風月身

又

俗緣已斷寧容續幽事雖多不厭增折簡迎醫看病鹿  
春粳炊飲供遊僧

又

夜窓父子共煎茶一點青燈冷結花村落盜清無犬吠  
園林月上有啼鴉

又

老去胸中百事真同遊無復白頭新鵲從熟後頻分食  
鹿漸馴來不避人

老歎

齒髮衰殘久退休衡茅荒寂更禁秋一無用力身猶倦  
百不關心夢亦愁遠浦卧看鳬泛泛深林時聽鹿呦呦  
天台日有遊僧過白朮黃精不待求

小園

誰為閒愁撥不開小園也復有池臺清泉白石皆吾友  
綠李黃梅盡手栽衝雨芟雞時上下近人栗鼠不驚猜  
自憐兩屨猶輕捷不待兒扶日日来

冬夜思里中多不濟者愴然有賦

大耋年光病日侵久辭徵祿卧山林雖無數老嗟卑語  
猶有哀窮悼屈心力薄不能推一飯義深常願散千金  
夜闌感慨殘燈下皎皎孤懷帝所臨

宿近村

病齒漂浮短髮稀此身猶墮亂書圍邯鄲倦枕晨炊熟  
昌谷空囊晚醉歸久困厭從人乞貸力畊頻遇歲凶饑  
行年九十窮彌甚旅舍燈前自綻衣

梅村野人家小憩

正遣清詩覓菊栽穿雲涉水又尋梅萬牛不挽新愁去  
一鳥還驚午夢回老媿逢人說幽憤窮能隨事學低摧  
江邊漂母何為者無食王孫未易哀

寄陳伯予主簿

今年閏餘時令早十月霜風吹客倒老夫畏寒不出門  
數步隣家迹如埽此時陳子獨何勇飢僮瘦馬長安道  
絕知涵養與人別吐氣如虹失衰老孟軻浩然正應爾  
豈比區區養梨棗萬鍾于子本何加一官未免從人討  
世誰不達子獨窮孰念令人惡懷抱石渠天祿正須才  
往乞揚雄太玄草

夜坐憶剡溪

早睡苦夜長晚睡意復倦歛膝傍殘燈拭背展書卷時



時搔短髮稍稍磨凍硯更闌月入戶皎若舒白練便思

泛樵風

溪名

次第入剡縣名山如高人豈可久不見

道上見村民聚飲

霜風利如割霜葉淨如埽正當十月時我行山陰道場  
功俱已畢歡樂無壯老野歌相和畲村鼓更擊考市壚  
酒雖薄羣飲必醉倒雞豚治羹哉魚鱉雜鮮蕘但願時  
太平鄰里常相保家家了租稅春酒壽翁媪

小江

出郭四十里孟冬天尚和風生帆力健木落月明多小  
市人聲散長橋炬火過吾生幾來往撫枕獨悲歌

短歌行

富貴得意如登天自計一跌理不全晝食忘味夜費眠  
渠過一日如一年春蠶得衣畊得食農功初成各休息  
賣酒壚邊紛鼓笛我過一年如一日二者求兼勢安可  
與我周旋寧作我春城桃李豈不妍雪澗未妨松磊砢  
人生禍福難遽論廟犧烏得為孤豚君不見獵徒父子

牽黃犬歲歲秋風下蔡門

初寒

重雲蔽白日陂港日夜涸秋風纔幾時已見霜雪作人  
生各有分豈必衣狐貉吳中冬蔬茂盤飭不寂寞搏泥  
治墻屋伐篠補籬落薄酒亦醉人問子胡不樂

對鏡

鏡中衰顏失數腴綠鬢已作霜蓬枯兩肩聳聳似山字  
曳杖更有蠻童扶自驚何以致此老亟欲脩敬問起居

徐徐熟視乃大笑但記昔我忘今吾今吾雖憊頗神王  
飛仙正可折簡呼遠遊縱未從谿父醉眼猶能隘具區

書劍

書劍當年徧兩川歸來垂釣鏡湖邊老皆有死豈獨我  
士固多貧寧怨天物外勝遊攜鶴去琴中絕譜就僧傳  
莫言白首詩才盡讀罷猶能意爽然

城南道中有感

行李蕭然一束書城南觸目更愁予市門乞食僧持鉢

關路哦詩客跨驢殘髮無多真已矣名山未去獨何歟  
芒屨可買身猶健紅樹青霜十月初

寄子虞兼示子適

書生賦命難舉步得憂患敢論得意事一笑亦有限南  
征度閩嶺西戍厯蜀棧吳江聽淚鶴淮浦送歸雁歸來  
畊故山暮雨泥沒骭羣鴉下空陂黃犢鳴絕岸索飯閔  
兒啼乞墻虞妾覩一裘三十年破裂不受綻欲添一把  
茅百計亦未辦大兒急親養辛苦就遠官間出冒邊塵

短甲中夜擲小兒奉親驢野果采溪澗勉使就微祿未  
對涕先潛觀汝兄弟意豈得厭藜藿凡歸弟不出定省  
同夜旦

一年老一年

一年老一年一日衰一日譬如東周亡豈復須大疾嬾  
情已廢書冊久病來亦復疎盃酒輒車小住固自佳拂  
袖便行亦何有下床擁火暝有餘鹹豆數粒粥一盂平  
生常笑愚公愚欲栽墮齒染白鬚

自東岡繚出舍北

年光豈不好老境獨無歡百步未為遠一尊聊自寬  
澤枯波尚綠霜薄葉初丹矯首問來雁中原應苦寒

有客

有客南山至相攜飯野亭傾籃魚白白出籠菜青青  
米滑溪春碓醕渾草塞瓶從今同保社日醉不須醒

陳伯予見過喜予強健戲作

寒無羶坐甑生塵此老年來乃爾貧兩頰如丹君會否

胸中原自有陽春

東陽郭希呂呂子益送酒

山崦尋香得早梅園丁又報水仙開獨醒坐看兒孫醉  
虛負東陽酒擔來

夜坐

家家績火夜深明處處新畬雨後畊常媿老身無一事  
地爐堅坐聽風聲

兩日意殊不憚作短歌自遣



一月得笑纔四五十事敗意常八九國中謾說無雙士  
天下元無第一手平生愛酒恨小戶半世為文真弊帚  
劫灰處處吊興亡宿草年年哭交友君看丈夫得意時  
大冠如箕印如斗一朝棄去豈復論衣破何妨露雙肘  
有時采藥二室間亦或釣魚五湖口死來萬古一熟眠  
安用虛名傳不朽

戲書日用事

衰病時時作閒愁日日生寒添沽酒興困喜磴茶聲琴

廢還重理詩成更細評殘年那望進且復暢幽情

獨立

上書不上登封書棄車但棄下澤車夕陽獨立衡門外  
閒看村童學釣魚

夢中江行過鄉豪家賦詩二首既覺猶歷歷能記  
也

築屋傍江皋墻垣締結牢深門陰楊柳高架引蒲萄黍  
酒歡迎客麻衫旋束條兒孫勿遊惰常念起家勞

又

蒲席乘風健江湖帶雨渾樹餘梢纜迹崖有刺篙痕酒  
醺湘君廟歌招屈子魂客途嗟草草無處采芳蓀

病中夜思

一病輒兼旬百憂集雙鬢藥裹堆床滿生意垂欲盡時

聞雀翻更

鄉中有栖雀  
夜鳴為翻更

頻看燈落爐平生學六經白首

頗自信拳拳服仁義念念去驕吝所覲未死間猶有分  
寸進

得子虞書言明春可歸

白首相依飽蕨薇  
吾家父子古來稀  
春秋出水柔桑綠  
正是農時望汝歸

雜賦

地爐夜熱麻黶煖  
瓦甬晨烹豆粥香  
不是有心輕富貴  
從來吾亦愛吾鄉

又

病叟胸中一物無  
夢遊信脚到華胥  
覺來忽見天窓白

短髮蕭蕭起自梳

又

終日纔堪米一升  
生涯略似草菴僧  
溼薪不管晨炊晚  
留得松肪代夜燈

又

出門信步作閒遊  
野廟村坊到處留  
每伴樵夫嘗半舍

更隨牧豎采沿溝

半舍沿溝  
皆果名

又

體不佳時看周易酒痛飲後讀離騷騎驢太華三峰雪  
鼓棹錢塘八月濤

又

昔人莽莽荒丘裏陳迹紛紛朽簡中畢竟是非誰辨得  
舉盃吾欲問虛空

又

百億須彌理固有八九雲夢何足吞天下廣居君識否  
一間茆屋寄孤村

又

夢裏曾作南柯守少時元是東陵侯  
今朝半醉歸草市  
指點青帘上酒樓

又

七十八十古來稀行年九十固應衰  
已興工部耳聾歎  
更知文公齒落詩

又

中年畏病盃行淺晚歲修真食禁多  
謝客杜門殊省事

一盂香飯養太和

又

齊民讓畔不爭桑和氣橫流歲自穰君看三山百家聚

更無一壠有遺蝗

今年蝗孽獨三山過而不下遂不為灾

又

得雨郊原已徧畊東家西舍多逢迎前山雲起樹無影

別浦潮生船有聲

散懷



小疾便幽翳孤懷抱鬱陶遺文誦史漢竒思探莊騷談  
笑寬吟苦經行慰作勞東岡聊一往突兀古臺高

書壁

稻草高茨屋繩樞窄作門漁樵皆結友鄰曲自通婚留  
客秋茶苦醺人社酒渾餘年尚何數一飯亦君恩

又

故里還初服明思念老農方蒙鏡湖賜又忝渭川封炊  
粟猶支日藏蔬可御冬霜天病益減高枕聽隣鐘

冬日雪中即事

讀書雖所樂置之固亦佳燒香袖手坐自足紆幽懷我  
生本從人豈願終不諧其如定命何生死一節空

又

一帚常在傍有暇即埽地既省課童奴亦以平血氣按  
摩與導引雖善亦多事不如埽地法延年直差易

又

夙興人尚默衆鳥相與言小語豈不可何至爾啾喧吾

獨擁燎爐宿火有餘溫澹然以自適喧寂何足論

又

詰朝澹無營百事付童子拂我架上書注我硯中水覓  
睡不復成取衣乃徐起卒歲如一朝底處著愠喜

又

我老苦寂寥誰與娛晨暮狸奴共茵席鹿麕隨杖屨歲  
薄食無餘恨使鳥雀去安得粟滿囷作粥餽行路

又

東園二畝地重重作藩籬我豈婦女哉避客門不窺要  
當盡徹去來往無他岐飯罷忌久坐時須曳筇枝

冬日排悶

老欲躬畊力弗強但應賣藥似韓康陳編時見古成敗  
舊友不知今在亡已返山林遺世事尚憑詩酒荅年光  
此身自笑如稊米加損寧能繫太倉

又

地爐微火伴寒灰垂野江雲暝不開欲睡手中書自墮

半酣窓外雪初來  
渡頭照影聞征雁  
籬角吹香得早梅  
佛粥春盤俱不遠  
離離斗柄欲東回

法雲寺

主僧妙湛方  
作鐘樓未成

勾踐舊國古會稽  
南山擁郭分東西  
城門大路引繩直  
西走百里皆平堤  
客行欲曉到梅市  
喔喔尚聽城中雞  
法雲古寺臨大澤  
風皺百頃青玻璃  
迎來送往此其地  
素壁時見前人題  
乖離會合浩莫計  
歷觀名氏空含悽  
山僧慣見為客歎  
榮悴從來如夜旦  
明年吾樓挿天半

世事君須倚闌看

自法雲歸

落日疎林數點鴉  
青山闕處是吾家  
歸來何事添幽致  
小竈燈前自煮茶

枯菊

龍山落帽未多時  
陳迹依然使我悲  
粲粲菊花何似好  
堦前惟見東枯枝

聞吳中米價甚貴二十韻

千錢得斗米一斛當萬錢嗟汝蚩蚩民何恃以自全我  
欲告父老食為汝之天勿結迎神社勿飾杭湖船築室  
勿斲削但取垣屋堅婦女省釵澤野粧何用妍趨利常  
處薄衆役常在前歲時相勞苦盛饌一豚肩近市可致  
酒雖薄亦醺然切勿慕公卿早朝妨熟眠亦勿謀高貴  
貪吏不汝憐有負固吹毛無罪亦株連豈暇論曲直挺  
繫如登僊短褐與飯豆溫飽可終年草廬挂葦箔乃可  
數世傳朱門雖赫赫變化如飛煙為農最得策本無祿

與權時平自逸樂奉牲祭其先不幸有散徙均為寓民  
編吾詩不足徵請讀七月篇

寒夜偶懷壯遊書感

疇昔西遊萬里還狂吟散落滿人間買空綠水橋邊酒  
看徧青城縣裏山梅蕊踈踈春欲動川雲漠漠雪猶慳  
偶思五十年来事顧影燈前自笑頑

夢曾文清公

有道真為萬物宗巉然使我歎猶龍晨雞底事驚殘夢



一夕清談恨未終

睡覺

白日悠悠喜意平  
夢中歷歷覺魂清  
覺時不落晨雞後  
靜坐天窓一點明

湖邊小聚

小聚遠塵囂  
淳風獨未澆  
鳴機燈煜煜  
飲犢雨蕭蕭  
異味常交致  
新醪亦苦邀  
人間交道絕  
令我慕漁樵

雨

秋冬久不雨氣濁喜雲生  
麥壠崇朝潤  
茆檐徹夜聲  
初來斷幽徑  
漸密雜疎更  
賴有墻陰薺離離已可烹

又

薄晚初沾灑  
清晨更慘悽  
魚寒拋餌去  
鵝溼就簷栖  
幽澗濺濺溜  
長隄淺淺泥  
一盃持自賀  
吾事在鋤犁

雨後快晴步至湖塘

齒豁從教道  
字訛負薪陌  
上且行歌  
古人亦有逢時少  
吾輩何疑忤俗多  
山埽黛痕如尚溼  
湖開鏡面似新磨

亦知大有掀髯處無奈西流白日何

兩日寒雨作雪不成夜忽大雨遂晴

折木翻濤一夜風浮雲吹盡日行空天公豈是真慳雪  
三白留來付臘中

歲窮

因阮身如寄推遷歲忽窮百年均昨夢萬古一飛鴻夜  
甕鳴春酒晨畦擷晚菘屬饜童子笑便腹負吾翁

凍坐

湖海淒涼地霜風慘淡天吾其去道近無酒亦陶然

古意

千金募戰士萬里築長城何時青塚月却照漢家營

又

夜泊武昌城江流千丈清寧為雁奴死不作鶴媒生


雪意復作

前日作雪風敗之今日濃雲雪復作一寒未暇自為計  
宿麥懸知天已諾灞橋策驢愁露手新豐買酒聊輒脚

胸中正著九雲夢廊廟何加一邱壑上書陳事固可笑  
服藥求仙亦成錯不如醉踏一劍騰風雲跨海東謁青  
童君

醉書

天公賦與五湖秋風月雲煙處處留損食一年猶可健  
無詩三日却堪憂



劔南詩橐卷七十九

# 欽定四庫全書

集部  
劔南詩稿卷八

詳校官庶吉士 臣 陳若霖

主事 臣 呂雲棟覆勘

總校官檢討 臣 何思鈞

校對官修撰 臣 戴衢亨

謄錄監生 臣 楊浚明

欽定四庫全書

劔南詩豪卷八十

宋 陸游 撰

排悶

造物冥冥中與我無一面不知獲罪由動輒被訶譴又  
君哀其愚故以藥瞑眩我亦揣此心安受不敢怨中間  
戍蜀漢十載困郵傳騎塏蒙隴千陣雲暗秦甸齋糧雜  
沙塲掬水以三燕傳烽東駱谷倏忽若流電歸吳獲小



休餘喘僅一綫意言在故鄉終勝客異縣夫何命大謬  
魔事每交戰友讐同一波平地肆蹈踐么然性命微日  
畏讒口煽舊書不暇視鼠跡上几硯負疴不即死遂作  
諸老殿却觀所更厯殆是金百鍊人誰不愛身悔作青  
紫檀短筇入空翠小艇破江練漁歌隔浦聞續火傍林  
見苦貧雖至骨未肯受客言君看投林猿終異巢幙燕  
有山皆可耕馬往失貧賤

湖山尋梅

鏡湖渺渺煙波白不與人間通地脈騎龍古仙絕火食  
慣住空山蓄冰雪東皇高之置度外正似人中巢許輩  
萬木僵死我獨存本來長生非返魂

又

小雪湖上尋梅時短帽亂插皆繁枝路人看者竊相語  
此老胸中常有詩歸來青燈耿窻扉心鏡忽入造化機  
墨池水淺筆鋒燥笑拂吳箋作飛草

作雪寒甚有賦

雲暝風號得我驚  
硯池轉盼已生冰  
窓間頻失疎梅影  
枕上空聞斷雁聲  
公子皂貂方痛飲  
農家黃犢正深耕  
老人別有超然處  
一首清詩信筆成

書嬾

我性本迂疎  
養生又無術  
憂患自外至  
疾病由中出  
屏居絕造請  
冀補東隅失  
今觀世間事  
如僧視沐櫛  
閒身嶺上雲  
睡味蜂房蜜  
惟思茅簷下  
一席卧朝日

讀唐人愁詩戲作

少時喚愁作底物老境方知世有愁忘盡世間愁故在  
和身忘却始應休

又

清愁自是詩中料向使無愁可得詩不屬僧窓孤宿夜  
即還山驛旅遊時

又

天恐丈人未盡才常教零落在蒿萊不為千載離騷計  
屈子何由澤畔來

又

我輩情鍾不自由等閒白却九分頭此懷豈獨騷人事  
三百篇中半是愁

又

飛雪安能住酒中間愁見酒亦消融山家有力參天地  
不放清尊一日空

讀書至夜分感歎有賦

老人世間百念衰惟好古書心未移斷碑殘刻亦在櫝

時時取玩忘朝飢推尋點畫到曲折想見落筆縱橫時  
豈惟鸞鳳九霄上景鍾大鼎森陸離雖然欲學則曷敢  
驚馬仰看驂騑馳正如志士才不稱心慕伊傳終何施  
爾來亦復強點染手不隨意徒嗟咨懸知明日天將雨  
中夜雲蒸紫玉池

擁爐

急雨狂風暮不收燎爐新暖復何憂如傾瀲灩鵝黃酒  
似擁蒙茸狐白裘大澤羈鴻來萬里高城傳漏過三更

明朝會看稽山雪莫為衝寒怯上樓

隱趣

歸老家山一幅巾俗間那可與知聞舉盃每屬江頭月  
贈客時緘谷口雲行采菖蒲綠蘚磴卧浮舴艋入鷗羣  
力營隱趣君無怪作得閒人要十分

冬夜舟中作

夜榜孤舟掠岸行村墟頻過不知名繞枝倦鵲寒無影  
脫網奔魚遠有聲兩紙忽驚殘歷盡一盃聊慰旅懷情

還家自笑身猶健又付生涯與短檠

湖山

逐鹿心雖壯棄驩勢已窮終全蓋世氣絕意走江東

項羽

又

湖上多甘井磴泉尤得名何時枕白石靜聽轆轤聲

磴泉山

又



山崦桑麻路柴門鳥雀聲老巫祈社雨小婦餉春畊

客山

又

坡陀度小嶺軒豁見平湖但醉梅花下民家酒可沽

花徑

小嶺

又

淺井供茶竈分流浣布紗此泉吾所愛百用給山家

項里

民家  
淺井

又

故堞無遺跡蕭然數十家茶煙映山起酒旆傍隄斜

古城

又

汀月生眉黛溪梅試額粧幽閨元不出莫道嫁彭郎

姑柳

廟

又

城邊小市聚煙水淡秋容南走蘭亭路迢迢雲外鐘

東跨

湖橋

又

東西二十里相望兩平橋傍水多投釣穿雲有負樵

跨西

湖橋

齒髮

暮境侵尋歲月道齒搖髮脫又經秋此身要是歸哀謝  
外物何須更固留皤白從來憎了了登臨且復送悠悠  
嗣宗痛飲圖南睡萬事輸君此一籌

古謂不如意事十常八九雖出于好功名者之言  
閒中亦未免此歎戲作七字一首

歸志初諧老遽催良辰常與病俱來酒雖已熟恨無菊  
雪苦不成空見梅朋舊乖離心每折山川悠邈首頻回  
人生敗意無窮達莫厭相逢笑口開

幽居歲暮

冉冉忘年往紛紛厭事來庭除多草莽几硯亦塵埃園  
為畦蔬到門因汲水開偶聞林鳥語太息又春回

又

却醫翻少疾辭祿不加貧嘉禾移俱活村醪釀輒醇悠

悠還過日盎盎又逢春狂舞君毋笑梅花插滿巾

又

老去轉無事室室惟一床卧時幽鳥語行處野花香巷  
北觀神社村東看戲場誰知屏居意不獨為畊桑

又

燃薪代秉燭煮茗當傳盃但恨朋儕少那知日月催衣  
裘任穿穴芋栗且燔煨不為殘年迫吾心久已灰

又

古井年年浚荒疇日日犁刈茅苫鹿屋插棘護雞栖閒  
賴書遮眼愁須酒到臍斜陽有常課緩步上湖隄

過湖上僧菴

西菴每過未嘗開邂逅清言始此回陶令巾車尋壑去  
已公茅屋賦詩來竒香炷罷雲生岫瑞茗分成乳泛盃  
便恐從今往還熟入門猿鳥不驚猜

夜坐戲作短歌

畏事如畏虎避人如避寇結廬三家村百事喜寒陋身

閒自為貴飯足豈非富素心憎狐妖老愈惡銅臭視之  
若寒氣可使容膚媵即今知免矣終歲塞門竇始知松  
倒壑殊勝雲出岫聊持不動心更養未盡壽夜讀南華  
篇欣然發吾覆

書歎

世事紛紛汝所知欣然領畧尚何疑窮居自是長年術  
魔境常為定力資人但與遊無德怨酒皆可醉略醇醅  
蘭亭賓主今何在修竹依然似曩時

又

尺椽不改結茅初，薄粥猶難卒歲儲。  
獨子解迎門外客，狸奴知護案間書。  
深林閒數新添筍，小沼時觀舊放魚。  
自笑從來徒步慣，歸休枉道是懸車。

日暮自湖上歸

我生本亦與人同，緣薄才疎剩得窮。  
細水自鳴沙渚外，亂山時出雪雲中。  
僧歸獨趁殘鐘去，人散遙憐晚渡空。  
造物陳詩信奇絕，忽忽摹寫不能工。



晚步湖隄

絕裘桐帽野人裝  
又上湖隄步夕陽  
貧甚不為明日計  
興來猶作少年狂  
殘樽倒酒無餘瀝  
幽圃尋梅認暗香  
時有行人歎頑健  
黑絲點破領間霜

夜寒

江雲作雪暗郊原  
竟夜風聲萬里奔  
槁面暫未知酒醺  
曲身成直賴爐溫  
幼與正復宜巖石  
倚相猶能讀典墳  
米貴僅供糜粥用  
自傷無力濟元元

感舊

早參太史筆晚典石渠書  
孤立如羈雁微生等蠹魚  
虛名真忝竊定理有棄除  
九十稽山下荒畦日荷鋤

小雪

夜卧風號野晨興雪擁籬  
未言能壓瘴要是欲催詩  
跨蹇雖堪喜呼舟似更奇  
元知剡溪路不減灞橋時

十二月十日暮小雪即止

夜來急雪打船窓  
今夜推窓月滿江  
堪恨無情一枝櫂

水禽驚起不成雙

又

夜來一雪苦忽忽千里濃雲忽掃空  
換得月明良不惡  
未須過計慮蝗蟲

遣興

翳翳魚鹽市迢迢桑麥村  
山家薪炭足野叟袴襦溫  
且免殘蕪盡又魚積水渾  
詩書老無効猶擬付兒孫

貧居時一肉食爾戲作

身老便居僻山寒喜屋低時猶賴僧米那惜貸鄰醯湯  
餅桃春薺盤飧設凍盞怪來食指動異味得豚蹄

臘月十四日雨

歲晚深居嬾出遊小窓終日寄悠悠雨聲到枕助詩律  
花氣襲衣生客愁殘齒不堪添鶻碗瘦肩轉復覺飈飈  
春前一雪猶關念安得瓊瑤積瓦溝

節物

節物猶關老病身鄉儺佛粥一年新檐間百舌還多事

探借園林十日春

讀書

力不扶微學心猶守舊聞壁間科斗字秦火豈能焚

春近

歷授人時後天回斗柄初農疇興耒耜家塾盛詩書縹  
緲雙鳬舄咿啞一鹿車山翁喜春近隨處狎樵漁

讀陶詩

陶謝文章造化侔篇成能使鬼神愁君看夏木扶疎句

還許詩家更道不

夜雨甚寒

萬籟號風如戰鼓雪意垂垂先作雨庭中栖鳥驚屢起  
窓下殘燈翳還吐老翁聳膊高過頂童子觸屏低不語  
時聞鄰舍起飯牛亦有歸樵說逢虎去年雪薄蝗害稼  
今年望雪如望赦行當三白兆豐年牲酒如山作秋社

寄趙昌甫

杳杳雙鵲鳴庭除東陽吏傳昌甫書紙窮乃復得傑作

字字如刮造化爐爾來此道苦寂寞千里一士如隣居  
小兒得祿在傍邑我貧初辦一鹿車過門剝啄亦奇事  
拜起幸未須人扶君看幼安氣如虎一病遽已歸荒墟  
吾曹雖健固難恃相覓寧待折簡呼餘寒更祝勤自愛  
時寄新詩來起予

稽山雪

為隱者作

高人采藥來禹穴骨瘦嶢然鬢眉白結茅分得野鹿場  
一夜北風三尺雪明朝過午勢愈惡虎兇交迹入聲絕

虛窓縱橫鼓竹入幽磴荒寂孤松折凍吟孰窺袁安戶  
僵卧禿盡蘇武節人生飢寒固亦有養氣不動真豪傑  
希名後世吾所恥姓字寧與身俱滅班馬復生無自書  
我作此歌空激烈

招隣父啜菜羹

老境遺人事窮居砭世育茅簷聽雪滴瓦鼎爇松肪不  
願封侯印惟求煮菜方盃羹須及熱剗欲喚君嘗

讀論語



壯歲貪求未見書歸常充棟出連車晚窺闕里親傳妙  
數簡方知已有餘

晨起

殘夢悠颺不復成鎗然已有百禽鳴山童來報溪流長  
幽事從今日日生

雪後

雪消已斷虛簷溜日暎初催百草生射的山前春水綠  
笙歌又滿會稽城

示福孫并示喜曾

北商久不通梨棗罕登盤山舍惟有橘瑣細如彈丸此  
外則柿栗杈拾猿鳥殘雖無龐翁話兒孫亦團樂今歲  
雨雪晚歲暮始大寒二稚乃可憐不訴衣襦單地爐有  
微火誦書到更闌我老多感慨賴汝差自寬

徵疾

徵疾經旬近藥囊往來巷陌未全妨時時小雨知春近  
處處閒身覺日長林外鼓歌聞賽廟懷中茶餅議租桑

兩京梅發今何似  
送老流年只自傷

簡僧求秦望山拄杖

老病龍鍾不自持  
飽知藤杖可扶衰  
明朝欲入天台去  
試就高人乞一枝

遊山步

蹇驢渺渺過雲邊  
旋了三生物外緣  
平日視家真逆旅  
此行出戶若登仙  
飢從野店烹葵飯  
困就僧床借枕眠  
所恨暮年交舊盡  
佳時無與共聯翩

又

南出平橋十里餘湖山處處可成圖  
水邊更覺梅花瘦  
雲外誰憐雁影孤  
時喚行僧同煮茗  
亦逢樵叟問迷途  
破裘不怕春寒峭  
小市疎燈有酒爐

雪晴欲出而路澗未通戲作

欲覓溪頭路春泥不可行  
歸來小窓下袖手看新晴

又

雪消重作雨冰釋又成泥  
已敗筇枝興高眠聽午雞

春日

冷餅細生菜老翁殊未衰  
仍尋舊藩勝一笑伴諸兒

示兒輩

窮居懷抱久無懽猶賴吾兒得  
少寬謹視雞豚供老疾  
力營薪炭備春寒舊書綴緝編  
無絕小甕調停味不酸  
坐使乃翁無一事高眠常到日  
三竿

雪後煎茶

雪液清甘漲井泉自攜茶竈就  
烹煎一毫無復關心事

不枉人間住百年

夢中作

久向人間隱姓名看花幾到武昌城一壺春色常供醉  
萬里煙波嬾問程斜日挂帆堤外影便風擊鼓驛前聲  
丈夫入手皆勛業廊廟江湖未易評

破屋數

我年四十時築舍受一廛歲月不貸人殆將五十年初  
非梗枿材既久理豈全慘淡窘風雨亦復補破穿竹椽

與繩樞豈敢求牢堅今朝忽自顧衰疾方沉綿不知此  
殘軀與屋誰先顛粥藥幸粗給兒稚滿目前歛藏雖甚  
薄猶勝死道邊一笑推枕起無酒亦陶然

戊辰歲除前五日作新歲八十有五矣

灰深火可宿炷小燈耐久長流故不腐易成必速朽我  
昔遊青城聞道巢居叟躬行雖不力年少過九九固知  
適天幸自養亦差厚傳家六兒子其四今皓首寧聞澗  
底松鬱鬱慕蒲柳

大兒新年六十二仲  
子六十季亦近六十

晨起復睡

衰翁夕飲易上面澤國春寒偏著人下榻一盃還就枕  
不嫌鼾睡聒比隣

梅

三十三年舉眼非錦江樂事祇成悲溪頭忽見梅花發  
恰似青羊宮裏時

又

俗事常妨把一盃等閒開過小園梅自傷惟有尋春夢



百舌無情又喚回

小疾治藥偶書

禦邊虛上策治疾闕全功安得如神禹常行無事中

又

握苗農害稼過劑藥傷人此理君能造無為萬物春

子通讀書常至夜分作此示之

我為無才老把鉏汝窮亦復坐迂疎夜燈詠史蟲吟草  
朝几陳書獮祭魚未至苦飢依馬磨不妨相守卧蝸廬

業成自有能知賞家世從來典石渠

先太傅先楚公皆  
久在三館予亦入

館二十年晚  
忝大蓬之命

歲暮作

魚貫長條兔卧盤往來聊續里閭歡  
舊符又擬新年換殘歷都無半紙看  
梅影橫斜春尚淺角聲悲壯夜將闌  
堅頑敢望今如許戲說期頤強自寬

除夕

熾炭爐中百藥香屠蘇煎酒代椒觴  
明朝賴是無來客

雪後泥深一尺強

己巳元日

曾孫新長奉椒觴兒女冠笄各綴行身作太翁垂九十  
醉來堪喜亦堪傷

初春

裝罷桃符又剪燈新年光景捷飛騰老翁埽盡兒童事  
却學禪床入定僧

新年書感

早歲西遊賦子虛暮年負耒返鄉閭殘軀未死敢忘國  
病眼欲盲猶愛書朋舊何勞記車笠子孫幸不廢菑畬  
新年冷落如常日白髮蕭蕭悶自梳

開歲連日大雪

開歲大雪如飛鷗轉盼已見平簷溝村深出門風裂面  
況復取醉湖邊樓從來春雪不耐久卧聽點滴無時休  
去年久旱縣千里犁不入土蝗蟲稠今年冬春多膏澤  
天意似欲滋農疇豈惟養豬大作社更賣寶劔添畊牛

飲酒

我酒本小戶痛飲乃有時意氣不相值終日持空卮醉  
或能齋莊不醉或狂逸乃知老子狂非自麴蘖出今日  
雪始晴行歌官道傍超然醒醉間非莊亦非狂

詩酒

我生寓詩酒本以全吾真酒既工作病詩亦能窮人每  
欲兩忘之永為畊樵民周旋日已久棄去終無因齒髮  
益衰謝肝膽猶輪囷吟哦撼四壁鬼竄我頽烏巾江上處

處好風月年年新正爾豈不樂浩歌終此身

人日雪

己巳元日至人日雨雪間作

病卧江村不厭深貂裘無奈曉寒侵  
非賢那畏蛇年至多難却愁人日陰  
嫋嫋孤雲生翠壁霏霏急雪灑青林  
一盂飯罷無餘事坐看生臺下凍禽

春寒

滔天來洊水震瓦戰昆陽此敵猶能禦  
春寒不可當

又

高樓墜綠珠惡客碎珊瑚未抵春寒夜貧翁喪故孺

雨雪久無來客亦不能出作長句排悶

造物無情豈我私從來不使墮危機青雲路近常排去  
白浪堆高亦脫歸殘橐尚存空自許故人略盡欲誰依  
新春雪暗山村路且復焚香獨掩扉

書耄

我老耄已及終日惟冥行鄰里少間濶便若昧平生家  
人每過前亦或忘其名昏昏等作夢兀兀如病醒不知

張睢陽何以記一城愚知各自適得失未易評

初春遣興

閒愁長與病相依晨起梳頭感髮稀春事鼎來風更惡  
晨光已滿雪猶飛江梅有恨論年別旅雁無情計日歸  
剗欲湖邊踏青去恐誰為解亂書圍

讀書

少從師友講唐虞白首襟懷不少舒舊謂皆當付之酒  
今知莫若信吾書朱黃參錯雞鳴後籤帙從橫月墮初



撫几欣然時有得此翁作計未全疎

雜興

灰中火如螢燎原從此始元氣一點存危疾亦不死

又

炷香火要深作墨手當緩淺士務成速所以多後患

又

庖丁悟養生輪扁議讀書彼特一技爾聖智有不如

又

鏗爾捨瑟作曝然放杖笑浩浩太古音與俗不同調

後雜興

臘雪瑞我麥春雨嘉我穀老農無他求一飽萬事足

又

日上明我窓月出縞我庭朝暮得佳時一榼醉復醒

又

會合惜日短別離愁夜長人老愛吾廬客歸悲故鄉

又

俚醫刀匕藥老巫半榼酒拜貺不敢忘淡薄最耐久

自詠

道本治吾身緒餘方及人神清緣食少事簡為家貧薄  
酒如重醞寒蔬抵八珍村村花柳動且復岸綸巾

又

謝事客誰過閒遊吏不訶家人爭稗粥鄰叟和畬歌靜  
夜詩成崇新春睡有魔年光本無盡未用歎蹉跎

晚窓

一塢梅花已盡空  
數瓴春雪未全融  
晚窓忽有題詩興  
落筆縱橫半醉中

劔南詩彙卷八十